



Inatsisartuni ilaasortaq Kristian Jeremiassen, Siumut
/Maani

Qeqertarsuup Tunuani qaleralinniarneq pillugu § 37 naapertorlugu Naalakkersuisunut apeqqummut nr. 2011-182-mut akissut

06. okt 2011
Sagsnr. 2011-055934
Dok. Nr. 735886

Inatsisartut suleriaasianni § 37 naapertorlugu qaleralinniarneq pillugu apeqquqeqarputit. Apeqqutitit uannut akisassanngortinneqarput.

Postboks 269
3900 Nuuk

Tlf. (+299) 34 50 00

Fax (+299) 32 47 04

E-mail: apnn@nanoq.gl www.nanoq.gl

Naalakkersuisunut apeqquq siulleq

Sinerissap qanittuani aqutsiveqarfimmi Qeqertarsuup Tunuani qaleralittassiissutit 2011-imi 8000 tonsiusut aalisarlugit tamakkerneqarnissaat naatsorsuutigineqarpa?

Apeqqummut 1-imut akissut

Qeqertarsuup Tunuani ukiup sinneranut pisassiissutit tamakkerlugit aalisarneqarsinnaanissaat naatsorsoruminaappoq, pissutsit arlaqartut pissutigalugit. Ukiup naanissaa qaniliartortillugu pisassiissutinit pisassat ikiliartortarput. Peqatigitillugu Uummannap aqutsiviata ammaqpinneqarnissaanut atatillugu Qeqertarsuup Tunuani aalisarneq annikinnerulissaaq. Nalorninerit tamakku eqqarsaatigalugit ukiumut pisassiissutit 8.000 tonsit tamakkerlugit aalisarneqassappata naliliinermut atatillugu assersuussineq pitsaanerpaq tassaassaaq, 2010-mi aamma 2011-imi pisat amerlassusiat.

2010-mi Qeqertarsuup Tunuani ukiumut qaleralinnik pisat katillutik 7.700 tonsiupput. Ukioq manna qaammat august ilanngullugu pisat 2010-mit 300 tonsit misaannik amerlanerupput. Aamma ilimannarluinnarpoq septembarimi pisat 2011-imi 2010-mut sanilliullugit amerlanerujumaartut. Ataatsimut isigalugu naliliineq tassavoq Qeqertarsuup Tunuani qaleralinnik pisat 2011-imi 2010-mut sanilliullugit amerlanerujumaartut, tamatumalu kinguneriumaaraa pisassiissutit ukiup naannginnerani tamakkerlutik aalisarneqarnissaat.

Naalakkersuisunut apeqquq 2

Qeqertarsuup Tunuani qaleralinnik pisassiissutinit sinneruttut tonsit qassiuppat?

Apeqqummut 2-mut akissut

Ulloq. 26. september 2011-imi Qeqertarsuup Tunuata aqutsiviani pisassiissutinit sinneruttut 1.048 tonsiupput.

Naalakkersuisunut apeqquq 3

Biologit siunnersuineranni 2011-imut qaleralittassat aqutsivimmi Qeqertarsuup Tunuani 8000 tonsit siunnersuutigivaat?

Apeqqummut 3-mut akissut

2011-imut aamma 2012-mut Qeqertarsuup Tunuata aqutsiveqarfianut ilisima-tuussutsikkut siunnersuineq assigiippoq. Ukiunut taakkununga marlunnt qale-ralinnik pisassat annerpaamik 8.000 tonsiunissaat kaammattuutigineqarpoq.

Naalackersuisunut apeqquut 4

Aalisartut 2011-ip ukiup sinnera saarullinnik tunitsivinnut tuniseqqinnissartik Naalackersuisunit periarfissamik tunineqassapat?

Apeqqummut 4-mut akissut

2011-imi sinerissap qanittuani saarullinut pisassiissutit 10.000 tonsit 25. septem-ber 2011-imi tamakkerlugit aalisarneqarput, tamatumalu kingornatigut aalisarneq tunisinerlu unitsinneqarput. Ukioq manna pisassiissutinik aalajangersakkanik qaffaanissamik pilersaaruteqanngilanga, nunanut allanut tuniniaaneq eqqarsaati-galugu. Siusinnerusukkut ilisimatuussutsikkut siunnersuinermi kaammattuutigi-neqarpoq aalisagaqatigiit toqqaannartumik aalisarneqassanngitsut. Taamaattumik isumaqarpunga piujuaannartitsinermik tunngavilimmik pisassiissutinik qaffaaneq pisinnaanngitsoq. Aammattaaq Qaasuitsup Kommunanik tamanna pillugu oqa-loqateqarsimavunga, taakkulu isummerninnut paasinninnertik oqaatigaat.

Sinerissamat qanittumi saarulleqassuseq pillugu ajornartorsiuteqarnermut atatil-lugu aamma KNAPK kajumissaarparput Pinngortitaleriffimmik kiisalu ni-oqqutissiortunik suleqateqarneroqqullugu, taamaalilluni saarullinniarnaq an-nertusarneqarsinnaaqqullugu, peqatigitillugulu saarulleqassuseq pillugu nutaa-mik pitsaanerusumillu ilisimasaqalernissaq anguneqarsinnaaqqullugu.

Naalackersuisunut apeqquut 5

Aalisartut saarullittasinneqanngikkunik sunik allanik Naalackersuisut aalis-artunut periarfissiinissaminnik isumaliuteqarpat?

Apeqqummut 5-imut akissut

Ukiup naannginnerani pisassiissutit nungunneqassagalarpata, sinerissamat qa-nittumi qalerallinnik saarullinnillu pisassiissutit saniasigut periarfissaqarpoq sine-rissamat qanittumi aalisakkanut allanut pisassiissutinik allanik aalisarnissamat, aalisarsinnaanermut akuersissummi piumasagaatit naammassineqarsimappata.

Tamatuma saniatigut sinerissamat qanittumi aalisarnermik inuussutissarsiu-teqartut amerlaqisut pisassiissutinik siusinaangaatsartumik nunguutsisarnermut atatillugu ajornartorsiutigisartagaat, soorunami Naalackersuisut eqqumaffigillu-innarpaat. Aamma taamaattumik ilaatigut qalerallinniarnermi aqutsinermut piler-saarusiamik suliaqareerpugut piffissamilu qanittumi tamatuma saqqummiun-neqarnissaa naatsorsuutigaarput, tassani sinerissamat qanittumi qalerallinniarn-erup aqqissuussaananerata allannngortinneqarneratigut ajornartorsiutaasunik ta-makkuninnga aqqiissuteqarnarluta.

Naggataatigut aammattaaq Naalackersuisut suliassa qarfiit allat iluini sulinis-samat periarfissanik amerlanerusunik pilersitsiniarpugut soorlu assersuutigalugu aatsitassarsiornermut immikkoortumi Naalackersuisut suliassa qarfitut pingarti-taanni, aalisarnermi suliffissaqartitsinermut periarfissanik allanik pilersitsinissa-mik siunertaqarnermut ilaatillugu.

Inussiarnersumik inuulluaqqusillunga

Ane Hansen